



ԱՆՆԱ ԴԱՎԹՅԱՆ

Ցրիվ

Մի ձայն մթության մեջ: Չէր թեքվելու անգամ՝ նայելու դրա ուղղությամբ: Ձայներ՝ խուլ դնգոցներ: Այնքան որ անլրելի էր աշխարհը: Ընդարձակվող բազում փեշերից: Մարմնող լույսեր հեռուներում: Ամեն մեկից փոքրիկ մի հետք: Ոչինչ՝ բացի դրանց կուտ-կուտ կումերը՝ ցած սահող խավարի լարերից: Չհետեւել: Պարզապես պատկել մթության մեջ ու կրկնել, քնելու համար կրկնել՝ թող ոչ բոլորը ինձ սիրեն: Գլխից հեռացնել տպավորությունները որոճալու սովորությունը: Տպավորությունների սուտիլիկ որսկան: Այնքան տարիներ հետո հասկացավ ու ուզեց սովորել քնել:

Երագում այլեւս չէր տեսնում նրան: Նա, ով մահվան մեջ մտավ: Քանի որ այլ փորձառության տեղ չէր մնացել: Մնացել էր միայն լքել մորը:

Հինա նրա սպիտակ շապիկի տակ այլեւս չկա այն մարմինը, որը կլանում ու անդրադարձնում էր արեւից եկող ստվերը: Մեռած է ու դասված: Առանց որոշակի հատկանիշների:

Նրա սպիտակ շապիկը դրված է բազմոցի գլխին, սենյակում:

Մայրը հույս ունի պահպանել հոտը:

Ապակու տակ դրված է նրա գրպանի վառված նոթատետրը: Չի պարունակում անօդաչու սարքերի մասին հիշատակումներ: Երագանքներ են: Ինչպիսին ունենում են երիտասարդները: Շատ երիտասարդները: Երիտասարդները պետք է տեսիլքներ տեսնեն: Ասում է Հին Կտակարանը կամ ինչ-որ աղանդ:

Մանանելիս չափ երիտասարդները:

Մոռանում են, բայց երբ հիշում են, ապուշ են կտրում:

Երկու փոքրիկ լույս՝ այն երկուսը: Իրար փարված տղաներ: Չուր են խանում իրար բերանից: Երկրորդը բոլորովին գինի չի խանում, միայն կակաո ու ընկերոջ ծլուլ-քրտինքները: Ձեռքը տանում է նրա մեջքի վրայով, փայփայում է կողերը: Սրբում է թիակների ջուրը: Ակնկալում է հիացունք: Լուծում է մոր վրեժը իրպեսից: Վարժեցրել է նրան, ընտանի են: Մայրը թաղված է հեռու մի գերեզմանոցում:

Սրանց էդ հեռու դաշտերից վերջին ճարով ետ բերեց: Աղոթեց ու աղոթեց առանց աստծո: Կապկտուր ընկած, դիմելով ում պատահի: Մաստիկ էր կարիքը, ինչ խոսք: Նայում էր դաշտերի երախներին: Որտեղ փշերի վրա մնացել էին կախված վերջին կյանքերը: Աշնան ամեն մի ծաղիկ՝ արնակալ մոութը սրբող քոռ:

Մարմնամասեր՝ մակաղած դաշտի երեսին ու փոսերի մեջ: Ցփնված ու չհամարակալված: Ում անունը՝ ում գրպանի մեջ, նաեւ ձեռքը: Հետո ծածա՛ն-ծածան եռագույն դրոշներ: Նրանց հոգիները ծվարած բլրի ծառերի քամիների մեջ:

Ինչպե՞ս գրկել այս երկրի ձյունները:

Ինչպե՞ս ժողովել՝ հարցնում է ժողովողը:

Երբ դուք այնտեղ էիք, ես դողում էի: Բոլոր 44 օրերին անկողինս գցված մնաց հյուրասենյակի բազմոցին: Որից ցած էր սահում սեպտեմբերի, հոկտեմբերի ու նոյեմբերի վերմակը: Հետո ցնծություն, երբ մենք պարտվեցինք, քանի որ դողում էի:

Հետո ուշի-ուշադիր նայել, սովորել ով եք:

Ներել ձեր փոքրիկ թերությունները: Դրանք սկսել են մեծանալ իմ աչքում՝ պատերազմի հեռանալու հետ: Իմ հատուցման մի մասն էլ ներելն էր: Ուրիշ բան չկար անելու, բայց դե, գիտեք, ինչքա՛ն:

Հիանալ, որ մի դռան շուն եք: Որ գաղտնիքն ի՞նչ է, որ ձեր միջել չկա: Տեսնել մեկիդ մարմնի անարգումը մյուսիդ աչքերում: Տեսնել, որ սարսափել եք իրար դիակ տեսնել: Նաեւ երբ ասել են՝ գնացեք, դիակները հավաքեք, կատաղի քրֆել եք: Չեք գնացել: Ոչ մեռել եք, ոչ էլ դիակ եք հավաքել: Համարյա հաղթած եք:

Կերեք իրար: Չափել ատամների կափկափոցը դիմացինի ջափել դնչի վրա: Ո՞վ է
ձեր այսքան երիտասարդությունն հոգալու: Ո՞վ է հոգալու ձեր սերը: Ձեր հույսն
ինձ վրա: Փհա՛յ...

Գլխի վերելում կախված է լուսավոր ջահի մոլեկուլը, որ ստվերներ ու կնճիռներ է
գցել:

Հետո՞ ինչ, որ անկուշտ ենք:

Փախեք:

Ու իբր... բռնվեցի՞ր, սիրտիկս: Մա արդեն էլ ավելի ուրիշի մասին է, որ նշան
բռնելու համար ինձ ասել էր sugar mama: Ու դա ձանձրալի է, ոչ թե ուրիշ բան:
Նա սիրում է այն աղջկան՝ գեղեցիկ կրծքերով, որոնց ճարպի մեջ հին ուտելիք է:
Նրանք ձեռք արեցին ու չպարեցին իրար հետ: Ձեռք արեցին ու պարեցին ինձ հետ:
Բայց նրանք իրար հետ էին, ինձ հետ չէին: Բնավ:

Իսկ էկրանին մլմլում է սիրուն կոկորդ ունեցողը: Ես նայում եմ: Որտե՞ղ կդրվեր
դանակը: Դանակը կնոջից շուտ է հասնում տղայի վզին: Այդպիսին է երկիրը:
Պարանոցով սրում են դանակների շեղբերն, ու կուրծքը ստուգում է գնդակի
սրությունը: Կնոջը ի՞նչ է մնում անել: Ողբալ ու ինքդ բերել էն մեկին, որին
կսիրես: Ուրիշ ի՞նչ: Ինչպե՞ս պոկել դրանց, բերել-հասցնել գիրկը: Քանի որ
այնքան տարված են իրենց ջափել գործով՝ մեռնելով:

Ու հին ապրողից փոխ առած հանգով՝ օ՛, անմխիթար հույս ու շերմություն
պաղած: Օ, վշտի ծավալուն վրաններ: Մպիտակ քողարկիչ կտորներ սպիտակ
ձյան վրա: Այնպես որ վերելից համարյա չես տարբերակի՝ մեռա՞ծ է, թե՞ պարել
է ձեռացնում:

Ու հարցնելով հին մեռելներին՝ վե՞րջ, թե՞ էլի կմագլցի, կճոճվի լարին: Իբր թե
ապրել գիտի: Իբր թե խելքը գնում է խելքահան անելու համար: Մահից հետ
դարձնելու: Իբր թե աչքատակերն արդեն մանուշակագույն չեն դառել:
Մտածելով՝ գեղեցիկ գույն է: Փոքրությանը նկարած գանգակների գույնը: Ու
մանուշակագույնի հոտը, որ տարբեր էր: Թքած մանուշակների վրա:

Լալ, անելիք շունեցողի պես լալ: Անհրճվանք, անմոլի, անաղ:

Իմացել եմ, որ թափել են կանանց ամբողջ գնդի աղիքները:

Դրանք հնարավոր չէ թաքցնել:

Ոչ մի փորի տակ:

Ճարպի տղան ինձ ասաց.

– Որ ֆլիրտ անեմ, չես դիմանա:

– Կդիմանամ: Ես դիմանում եմ մահվան գայթակղությանը,– չասացի: Ասացի՝ լավ:

Մեղանի վրա դրեց գեղեցիկ, մագոտ թեւերն ու կարմրեց սիրածի գալուց: Աչքերի գույնը շաղ եկավ, կտրվեց խոսակցության թելը: Չհավատաց, որ երկար չեն սիրում: Նայում էր դիմացը, բայց տեսնում էր հետեւը, որտեղ աղջիկն էր, թվում էր՝ մի ամբողջ կյանք կա սիրելու: Ջանի՛կ:

Հեռախոսը դրված սպասում էր ծնգոցի:

Ես ոչինչ անել չէի կարող:

Նայել մութ պատուհանից դուրս, որ ներսն է ցույց տալիս, ու տեսնել տղայի խոչակը: Մտքում դնել դանակը վզին ու տառապել, ահավոր տառապել ցավից: Մինչ նրա գլխում սուրում են ապագայի սարքերը՝ ինչպես օձի լեզուներ: Նա կարծում է՝ ապագան կա եւ իրենն է: Նա կարծում է՝ սերը կա եւ իրենն է: Նա կարծում է՝ ես կամ, եւ երբ ուզի՝ իրենը: Ես կարծում եմ՝ ամեն ինչ բաժանված է ու նվիրված:

Ցուլացում, ցուլք, ցուլացում, ցաք:

Որսացանցը՝ լղպոր քարերին: Ոչ թե կակուղ թառանչուն նեոններ՝ խոտոր խոստումներով, այլ հին ձեթով ճրագներ՝ անջրպետն ի վար: Մարդու խոսելն իսկ չի գալիս: Ուր մնաց՝ անդունդով ցած վազելը:

Եւ, ուրեմն, ո՞վ է մնում: Նրանցից ո՞վ է մնում:

Ես դեռ մնում եմ:

Ցարուցրիվ, անկար ու ներկայի մեջ ճապաղված:

Նրանցի՞ց ով է մնում:

Ապավինելու իմ արգասավորությանն ու ամլությանը:

Մարմրող լույսեր հեռուներում:

Ռ՞վ է կարող ցանկության վրա ցանկություն գլխել:

Ռ՞վ է կարող հեռու հրել խավարի սայլը:

Ռ՞վ է կարող ճրագը կախել ապագայի վզից:

Ռ՞վ է կարող մրցել՝ որ մեկս է սպանելու:

Մոնչալ անորոշ անցյալի վրա:

Սեղանին դրված է մեղվի չափ թանաքամանը:

Ռ՞վ է կարող ետ պատմել: